

Dahaka totona vouti be gau badana PNG lalonai?

Ita tata ese laloa badana bema ita abia vouti be gau badana momokani badina inai ese ita eda bese, eda hanua bona eda tanobada do ita hatubua daekau bema gunalaia tauna namona ta ita abiahidi neganai.

Ita Papua New Guinea tauda be laloa tamona dekenai eda tanobada gunalaia taudia namodia ita abidiahidi. Inai taudia be namo mauri namona idia noho taudia, hereva momokani bona kara maoro taudia ita abidiahidi bona idia ese eda laloa metau do idia itaia namonamo. Bema gunalaia taudia namodia ita abiahidi neganai, durua namodia do idia abia mai, hegeregere, sikuli do idia haginia, gorere hanamoa gabudia do idia haginia, dala do idia karaia, ranu bona lolao daladia do idia hanamoa diba.

To gunalaia taudia sibona ese inai gaudia do idia havaraia lasi ia lao bona ita ibounai laloa tamona dekenai ita gaukara hebou. Eda gunalaia taudia danu ita durua henia. Taunimanima namodia be taravatu idia kamoni henia bona noho gabudia tata dekenai mai hemataurai danu ita noho bona eda tanobada do ita hatubua daekau.

2007 ena election lalonai oi be dahaka do oi karaia ma emu abiahidi gaukara do ia namo?

- Umui laloa namonamo, daika do umui vouti laia, bona inai be laloa namona oi karaia noho eiava lasi.
- Emui gabu tata dekenai daika hahine taudia idia ura gini taudia umui durua henia danu.
- Bema haida ese election ena taravatu idia makohia neganai, haraga taravatu taudia umui itaia.
- Election nega lalonai umui noho namonamo
- Laloa-tao abiahidi ena maoro be oi sibona dekenai ia noho Emu siahu oi gaukaralaia namonamo.

Vouti tamona lalonai abiahidi toi do oi karaia. LPV ena vouti dala matamata mani ita itaia.

LPV vouti dala matamata idia haginia be idia ura vouti dala ia hanamoa. Guna ena vouti be daika vouti momo ia abia tauna ese ia kwalimua. Inai ena anina, taunimanima ta be do ia kwalimu diba bema ena gabu taudia sibona ese edia vouti idia henia neganai. Inai dala be ia namo lasi.

LPV dala matamata be vaira lagani, 2007 lalonai do ita

gaukaralaia. Inai ena anina oi be taunimanima toi do oi makaia diba bona kwalimu tauna ese oi do ia gunalaia, Parliament dekenai. Daika vouti momo do ia abia tauna do ia kwalimu diba. Inai tauna be namo hutuma kaha badana ia abia murinai. Inai dala be ia maoro.

Oi be nega tamona do oi vouti diba, to emu pepa dekenai be maka toi do oi atoa. Inai vouti dala matamata be inai bamona.

- Oi ura henia dikadika tauna vouti ginigunana oi henia. Bema oi laloa ia be oi emu durua tauna korikori.
- Vouti iharuana be tau iharuana oi henia, bema oi laloa, inai tauna be tau namona ta bona bema emu vouti ginigunana ia moru neganai, tau iharuana do ia gini diba.
- Vouti ihatoina be emu ura tauna ta oi henia. Bema vouti ginigunana bona iharuana idia moru neganai, tau ihatoina do ia gini diba.

Laloa-tao, kwalimu tauna be tamona do ia gini.

Laloatao hereva haida.

- Hahine momo be idia ura 2007 election lalonai idia vareai. Bema namo oi laloa namonamo bona emu ura gunalaia hahine dekenai emu vouti oi henia.
- Bema oi laloa, emu varavara be gunalaia tauna eiava hahine namo lasi neganai, oi vouti laia lasi. Laloa boio lasi, oi emu vouti ese emui gabu dekenai noho mauri do ia hadikaia bona do ia hanamoa diba. Oi emu vouti ena toana momokani be lagani ima lalonai do ia hedinarai.
- Oi be namo emu vouti pepa dekenai taunimanima toi oi makaia bema oi makaia lasi neganai, emu vouti do idia duhaia lasi.
- Daika ena mauri lagani 18 amo ia daekau be mai ena maoro do ia vouti diba.
- Oi be namo emu gabu dekenai pepa tamona sibona dekenai oi vouti karaia. Daika taudia edia mauri lagani 18 amo ia daekau be mai edia maoro do idia vouti diba bona sibodia edia gunalaia taudia do idia makaia. Bema umui vouti lasi neganai, emui gunalaia taudia ese do idia kamoni henia lasi. Taravatu ta danu ia gwau, oi be pepa tamona sibona dekenai oi vouti.
- Tau ta eiava hahine ta ese oi totona do ia vouti diba lasi Bema tau ta ia ura oi totona emu vouti pepa dekenai ia vouti neganai oi ura lasi. Oi be namo sibona oi lao vouti gabu dekenai emu vouti oi henia.